



VIII CONCURSO DE SOLISTAS DO CSMV – CURSO 2021/2022

O Conservatorio Superior de Música de Vigo (CSMV) convoca o *VIII Concurso de Solistas*, que se desenvolverá no curso académico 2021/2022. O obxecto do concurso é o de estimular e recoñecer a excelencia interpretativa en calquera das especialidades impartidas no centro. Rexeráse polas seguintes bases.

BASES DO CONCURSO

Participantes e inscrición

1. Poderán tomar parte no concurso o alumnado matriculado no CSMV en calquera das especialidades e itinerarios, e en calquera curso.
2. Para tomar parte no concurso unicamente é preciso cubrir a folla de inscrición ao efecto e entregala por rexistro nas oficinas do centro.
3. O prazo para inscribirse será entre o **9 e o 20 de maio** de 2022, ámbolos dous incluídos, no horario de atención pública das oficinas do centro.
4. Cada concursante deberá preparar unha audición de duración mínima de 10 minutos. Poderán propoñerse varias obras ou movementos, indicando na folla de inscrición o título e o autor ou autora da obra ou obras.
5. No caso de precisar acompañamento pianístico ou de calquera outro tipo, é competencia d@ concursante xestionar esta necesidade, non estando o centro obrigado a achegar este recurso. O profesorado do centro unicamente poderá participar en calidade de pianista acompañante, no seu caso.

Fases do concurso

6. O CSMV nomeará un xurado conformado por cinco docentes pertencentes ao seu claustro, e presidido polo docente que designe a dirección do centro. O xurado constituirase mediante convocatoria da dirección do centro, e terá como competencias:
 - a. Aprobar e publicar as listas de admitid@s.
 - b. Realizar a convocatoria e chamamentos dos concursantes, de acordo cos prazos previstos nestas bases.
 - c. Deliberar e outorgar os premios convocados.
 - d. Resolver calquera incidencia relativa ao concurso desde o momento da súa constitución ao da súa disolución (en coordinación cos órganos responsables do centro), así como interpretar o contido destas bases cando houbese lugar.
7. O día 27 de maio o xurado publicará no taboleiro oficial habilitado ao efecto, a listaxe de admitid@s ao concurso, con indicación da obra que deberán interpretar (no caso de que se tivese proposto pol@ concursante máis de unha) así como a orde de actuación d@s mesm@s. No caso de existir reclamacións a estas listas, deberán interpoñerse no prazo de 48 horas unha vez realizada a publicación antedita, mediante instancia rexistrada nas oficinas do centro e dirixida á presidencia do xurado. O xurado resolverá o que proceda e publicará no seu caso as listas definitivas o 13 de maio.
8. O concurso terá lugar o venres, **3 de xuño** de 2022, no Auditorio Martín Códax do CSMV, segundo o horario e orde de actuación que se teña publicado polo xurado.
9. O xurado poderá interromper a audición d@ concursante antes do remate da obra, se o considera oportuno.



Premios

10. O xurado poderá outorgar un 1º, 2º e 3º premios, así como ata dúas mencións de honra, no caso de que así o estimase, á vista do nivel d@s concursantes presentad@s. Igualmente poderá declarar desertos os premios que considere.
11. Para @ 1º e 2º premiad@s, o premio consistirá en:
 - a. Realización dun concerto como solista/s con algunha das agrupacións (orquestras) do CSMVigo. O momento desta realización así como o repertorio a interpretar, serán acordados entre @/s solista/s e a/s persoa/s responsable/s da dirección da agrupación coa que vai actuar.
 - b. Bono de compra por valor de 200 € e 150 €, para o 1º e 2º premiados, respectivamente; a compra realizaráse nunha casa comercial de produtos musicais que se designará, e no prazo que se indique.
 - c. Diploma acreditativo.
12. Para @ 3º premiad@.
 - d. Bono de compra por valor de 100 €; a compra realizaráse nunha casa comercial de produtos musicais que se designará, e no prazo que se indique.
 - e. Diploma acreditativo. Para as mencións de honra: Diploma acreditativo.
13. Os premios entregaranse no Acto de Graduación e Clausura do Curso Académico 2021/2022.

Base xeral

14. A participación no concurso implica a aceptación completa destas bases.